

॥दुर्गा सूक्तम्॥

(तैत्तिरीयारण्यकम् - ४/प्रपाठकः - १०/अनुवाकः - २)

जा॒तवे॑द॒से सु॒नवा॑म॒ सोमं॑ म॒राती॑य॒तो नि॒द॒हाति॑ वे॒दः।
 स नः॑ प॒र्ष॒दति॑ दु॒र्गाणि॑ वि॒श्वा॑ ना॒वेव॑ सि॒न्धुं दु॒रि॒ताऽत्य॑ग्निः॥१॥
 ताम॒ग्नि॒वर्णां॑ तप॑सा ज्वल॒न्तीं वै॒रोच॑नीं क॒र्म॒फ॒लेषु॑ जुष्टा॑म॒।
 दु॒र्गा दे॒वीः श॑र॒णम॒हं प्र॑प॒द्ये सु॒तर॑सि तर॒से नमः॑॥२॥
 अ॒ग्ने त्वं पा॑रया॒ नव्यो॑ अ॒स्मान्ध॒स्वस्ति॑भि॒रति॑ दु॒र्गाणि॑ वि॒श्वा॑।
 पू॒श्च पृ॒थ्वी ब॑हु॒ला न॑ उ॒र्वी भ॒वा तो॒काय॑ तन॒याय॑ शं योः॥३॥
 वि॒श्वा॒नि नो दु॒र्गहा॑ जा॒तवे॑दः सि॒न्धुं न ना॒वा दु॒रि॒ताऽति॑प॒र्षि।
 अ॒ग्ने अ॒त्रि॒व॒न्मन॑सा गृ॒णानो॑ऽस्माकं बो॒ध्यवि॒ता त॒नूना॑म्॥४॥
 पृ॒त॒ना जि॒तः सह॑मानमु॒ग्रम॒ग्निः हु॒वेम॑ प॒रमा॑ध॒स्थोत्।
 स नः॑ प॒र्ष॒दति॑ दु॒र्गाणि॑ वि॒श्वा॑ क्षा॒म॒दे॒वो अ॒ति दु॒रि॒तात्य॑ग्निः॥५॥
 प्र॒त्नोषि॑ क॒मीड्यो॑ अध्व॒रेषु॑ स॒नाच्च॑ होता॒ नव्य॑श्च स॒त्सि॑।
 स्वा॒श्चा॒ग्ने त॒नुव॑ पि॒प्रय॑स्वा॒स्मभ्य॑ च सौ॒भ॒ग॒माय॑जस्व॥६॥
 गोभि॑र्जुष्ट॒मयु॑जो निषि॑क्तं तवै॒न्द्र वि॒ष्णो॒रनु॑स॒ञ्चरे॑म।
 नाक॑स्य पृ॒ष्ठम॒भि सं॒वसा॑नो वैष्ण॑वीं लो॒क इ॒ह मा॑दय॒न्ताम्॥७॥
 का॒त्या॒य॒नाय॑ वि॒द्महे॑ क॒न्यकु॑मा॒रि धी॑महि॒।
 तन्नो॑ दु॒र्गिः प्र॒चो॒दया॑त्॥

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>